

Un promesa Juan y Seferina Croes a bira herencia spiritual

50 aña Sitio di Oracion Tanki Leendert



FUNDACION A CUMINSA NA 1973
 Para: Pedro Marchena, Juan Croes, Petra Marchena,
 Coleta Petrockii, Yoyo Mathilda, Iselia Madiro, Jose Bislik.
 Inta: Seferina Croes, Pastoor Kraanwinkel,
 Notario Lafe, Olga Hernandez



Nos grandinan a bin hunto 2007



ORANJESTAD (AAN) -- Diasabra 13 di Juli 2019, devotonan Arubano ta reuni na Tanki Leendert pa recorda cu 50 aña pasa Aruba a haya un sitio nobo di oracion. Te awe Aruba ta reuni na loka originalmente tabata propiedad di ciudadanonan Juan (Juancito) y Seferina Croes awe den feliz memoria.

Existencia di e sitio di oracion ta origina den un malesa incurabel cu dokternan a diagnostica cerca señora Seferina Croes na 1967. Hunto cu su esposo, señora Croes a pidi intercesion di Doctor Jose Gregorio Hernandez y a priminti cu nan lo a plama e devocion y traha un sitio di oracion.

Señora Seferina Croes a recuperu su salud y a cumpli cu

su promesa. Dia 29 di juni a conmemora 50 aña di fayecimento di Doctor Jose Gregorio Hernandez y a habri un sitio di oracion cu tambe a sirbi como centro pa obra di caridad den garashi di e cas.

Na 1970 a duna inicio na biahanan pa Isnotu, ciudad natal di dr. Jose Gregorio Hernandez na Isnotu y te 2014 a mantene e peregrinacionnan.

Tabata na 1973 cu famia Croes a lanta Fundacion Dr. Jose Gregorio Hernandez. Un aña despues, señor Juancito Croes a fayece. Na 1993 Señora Seferina Croes a forma un directiva nobo y a cambia e nomber di e sitio pa Fundacion Venerable Jose Gregorio Hernandez.

Na 1995 Señora Seferina



Croes a fayece.

Cu yudansa di pueblo di Aruba e fundacion a logra e fondonan pa por a cumpra e edificio na 1996 y na 2002 a habri e sitio nobo di Oracion cu a rekeri basta trabou pero tambe pago di e debe na banco.

Cu contribucion mensual y uzo di e sitio dor di organisacionnan cu ta tene charla por ehempel, a logra haya fondo te awe.

E fundacion a continua cu su trabou y na October 2004 a reuni ± 150 mucha di tur rond di Aruba pa pasa un dia feliz. Na januari 2005 a cuminsa cu actividad pa haci e grandinan feliz riba Dia di Tres Rey, y asina a sigui tur aña te cu 2018.

Na aña 2006 a trece 200 mucha entre 5 pa 12 aña hunto durante vakantie grandi (juli) y nan tur a bay cas feliz cu nantas y articulan pa school. Despues a bira dificil pa por a sigui haci esaki, ya cu fondonan a bay e.o. pa traha un septic tank nobo y verf edificio.

Fundacion ta agradecido na e contribuyentenan cu ta yuda pa por sigui cu mantencion dje edificio, pasobra no ta haya subsidio. Tur yudansa ta bon bini y tur hende por bira contribuyente.

Tin oracion y of misa tur dianan pa 7:00 pm y dos nobena pa aña. Durante transcurso di e aña aki, por a haci hopi cambio, danki na e ayudo cu a permiti yega na e dia grandi aki.

Dia 13 di juli pa 10:30 mainta lo tin un Santo sacrificio di misa pa gradici nos Tata Ce-




Prome biahe pa Isnotu aña 1970



**CELEBRACION
 DI NOS 50 ANIVERSARIO**
 29 di juni 1969 - 29 di juni 2019

BO (SO) TA CORDIALMENTE INVITA
 PA UN SANTO SACRIFICIO DI MISA
 LUGA: Sitio di Oracion na T.L.128
 DIA: 13 di juli 2019
 ORA: 10.00 am
 BRENDIS: 11.30 am



lestial y pidi pa forsa di Curpa y Spiritual. E fundacion ta spera cu e lo sigui haya e cooperacion pa por mantene e Sitio di Oracion y continua cu su obranan di caridad.